

# *KHOLISEHA KA MOLIMO*



'Me Le baleha tjena.

*Eaba Elia oa Thishba, oa... mojaki Gileade, o re ho Akabe, Ka JEHOVA Molimo oa Iseraele ea utloang, eo ke emeng pel'a hae, ha ho ka ke ha lala phoka leha e le ho na ha pula ka lilemo tse tharo, haese ka polelo ea ka.*

*Eaba lentsoe la JEHOVA le mo tlela, le re,*

*Tloha mona, u ee nqa bochaba-tsatsi, u ipate molatsoaneng oa Kerithe—Kerithe, (ke ne ke rialo) o mabapa le Jordane.*

*U tlil'o noa malatsoaneng; Ke se ke laetse makhoaba hore a 'ne a u fepe...*

*A tloha a etsa ka taelo ea JEHOVA: a ea lula molatsoaneng oa Kerithe, o mabapa le Jordane.*

*Makhoaba a 'na a mo tlisetsa bohobe le nama hosasa, bohobe le nama mantsiboea; o ne a enoa metsi a molatsoana.*

*Ha isaisa, molatsoana oa epsha, kahobane pula e beesa ne lefatšeng.*

*Eaba lentsoe la JEHOVA le mo tlela, la re,*

*Ema, 'me u ee Sarepta, oa Sidone, u lule teng: bona, Ke laetse mosali oa mohlolohali oa teng hore a u fepe.*

*Ebile o tloha a ea Sarepta. Ha a kena ka khoro ea motse, a bona teng, mosali oa mohlolohali ea roallang patsi: a 'mitsa, a re, Ako ntlisetse, hle, metsana ka mohope, ke noe.*

*Ha a a lata, a mo kopa hape, a re, Ako ntlisetse, hle, le thathana ea bohobe ka letsoho la hao.*

*A re, Ka JEHOVA Molimo oa hao ea phelang, ha ke na le ha e le senkhoa, haese phofjoana e pitseng e ka tlatsang seatla, le olenyana sehong: 'me, bona, ke be ke roalla thupana tse peli, hore ke ee ke lokisetse 'na le ho mora oa ka, re tle re je, re ntso shoa.*

*Elia a re ho eëna, Se tšabe; etsa kamoo u boletseng kateng: u mpe u etsitse 'na senkhoanyana pele, u ntlisetse sona, kamorao u etsitse uena le...mora oa hao.*

*Hobane JEHOVA Molimo oa Iseraele o re, Phofo e ka pitseng ha e ka ke ea fela, le ole e ka sehong ha e ka ke ea fela, ho be ho fihle letsatsi leo JEHOVA a tla nesa pula lefatšeng.*

*A ea a kena a etsa ka polelo ea Elisha: 'me eèna, le mosali, le ba ntlu ea hae, ba ej a ka matsatsi.*

*Phofo e ka pitseng ha e a ka ea fela, le ole e ka pitseng ha e a ka ea fela, joalokaha JEHOVA a ne a boletse ka Elia.*

Puo ea hoseng hona, pejana ho leeto la mose ho maoatle, ke khethile seholooho, sa sena: Kholisèha Ka Molimo.

<sup>2</sup> 'Me joale, Morena, hlohonolofatsa Lentsoe la Hao Le sa tsoa, e re Moea o Halalelang o tšoase likello tsa röna le mehopolo ea röna, le ho re hlophisetsa ketelo ea Hae, re sa Mo kopile ho tla. Hoba tlung ea Morena ha re tlele ho bonoa, kapa ho bona, empa e le ho ithuta ka Uena, le ho tseba semelo sa Hao, le tsela ea Hao, le merero ea Hao, re tle re khone ho tobana le mathata a bophelo, ka tiisetso e tiileng, ka kholisèho ho Molimo. Aba sena, Morena. Ka Lebitso la Jesu rea e kopa. Amen.

<sup>3</sup> E tšoanetse ebe ebile hoseng ho nyarosang. Ho chesa hona ho tletse lerole, le bathō ba tletse seterateng, ba bolaoa ke tlala, lefatše le chesa le se le ea tuka. Hona hohle e le khalimiso ea libe tsa bona le ho bola ha boitšoaro ba bona.

<sup>4</sup> U a bona, Akabe o ne a busa e—e Israele, nakong eo, kapa holim'a Israele, a le khopo har'a marena ohle a Israele. Ho eso be morena ea fetang Akabe ka bokhopo, hoba eëna, athe o rutiloe o tsebile hantle ho feta, a sa phetse ho khopisa Molimo ka ketso ea hae eohle. Leha koana a teile tsamaiso ea tonana ea sesole, le bathō ba atlehile tlas'a borena ba hae, empa, koana, u ke ke oa khopisa Molimo oa lebella ho tsoella nako e telele.

<sup>5</sup> Ebile hape, lenyalong la hae, sebakeng sa ho nyala bathong ba habo, a tšeleta a nyala moetsalibe, mosebeletsi oa lisèto, a rapela melingoana. A nyala Jesebele. 'Me e se molumeli.

<sup>6</sup> 'Me ha ho molumeli ea loketseng ho nyala mosalumele, tlas'a maemo afe. Kamehla eka khona a nyale balumeli.

<sup>7</sup> Empa Akabe a entse bobe bona. 'Me ntle le pelaelo Jesebele e le mosali e motte. 'Me a khahloa ke chebeho ea hae, ho ena le seo a neng a le sona. Bongata ba bathō, ba etsa phoso eona eo, ho fihlela letsatsing lena.

<sup>8</sup> 'Me eaba o sotelitse melingoana sechabeng, har'a bathō. 'Me bathō, baprista, basebeletsi ba bona, e le liphofu tsa botumo bo boholo bona.

<sup>9</sup> 'Me ke tšobotsi ea naha ea röna kajeno. Re oetse tlas'a botumo boo. Ntle le pelaelo baprista ba hopotse e tla itokela, ha feela e chaeletsoe monoana ke 'muso oa bona. Empa ha ke tsotelle seo 'muso o se chaeletseng monoana, eka khona e be se chaeletsoeng ke Molimo. 'Me bathō ba hopola ho sikara tse ling tsa lintho tsa bona tsa lefatše ho tla itokela.

<sup>10</sup> 'Me motho a ka nkopa ho menahana le seo ke sa tsoa se bua, ke re papiso ena e tšoanela kajeno. Ha re ikhopole re

le barapeli ba lisèto, empa re bona. 'Me 'muso o a e chaella. Batho ba kajeno ke barapeli ba lisèto, hobane ba—ba rapela lisèto. Bang ba bona ba rapela likhalala tsa litšoantšo, e le lisèto. Ba bang ba rapela chelete, e le lisèto. 'Me ba bang ba rapèla likhalala tsa thelebishene, e le lisèto. Empa sohle seo u se beang ka pel'a Molimo ke sesèto, e ka bang eng.

<sup>11</sup> Esita le Satane, mosokeli oa rōna e moholo, o masene a makakang, ho fihlela a bea, ka linako tse ling, kereke ka pel'a Molimo. U ka ba le kereke e khōlō. E ka ba moaho o moholo, kapa e be bolumeli bo boholo. 'Me, hape, e ka ba phutheho e khōlō, empa se lumelle letho ho ema pel'a Molimo, ka pelōng ea hao. Ntho efe, e ka pel'a Molimo, ke sesèto.

<sup>12</sup> 'Me bathō bana ba itsebile ba sa hlole ba kene moeeng sa mohlamonènè, tlas'a borena ba marena a mang. 'Me ba nahana ke hona, kahobane e le sechaba sa borapeli, sohle se tla itōkèla. Le rōna re fihlile maemong ao joalo.

<sup>13</sup> Likhoeli tse 'maloa tse fetileng ke qoqile le motsoalle ea khabane. 'Me o itse, "Moena Branham, ke lumela u katella United States ena tlase haholo." A re, "Ha u phetse ho kharumela sebe le kamoo Molimo o tla ahlola sechaba sena."

<sup>14</sup> Ka re, "U tlamehile joalo, ho ba le toka."

A re, "Empa, Moena Branham, u a lebala sechaba sena se theiloe holim'a Mangolo. 'Me baholo ba rōna tlie koano, 'me Molimo o re neile lefa lena. 'Me re sechaba sa borapeli."

<sup>15</sup> Ka re, "Ho joalo, kaofela ha eona. 'Me ha ho mang ea ka tsebang kamoo ke ananelang sechaba sena! Empa, sheba, moena oa ka, le Iseraele o ne a khethoe ke Molimo, Oa ba romella baporofeta le banna ba baholo. Empa Molimo ha o ke o mamella sebe. O kotulisitse Iseraele thollo ka 'ngoe eo ba e jetseng. 'Me efela ha A kotulisitse Iseraele seo a se jetseng, O tla re kotulisa seo re se jalang. Ha A ee ka tšobotsi ea motho."

<sup>16</sup> Re fihlile moo re hopolang kahobane re iphomoletse holim'a se entsoeng ke baholo ba rōna, kapa holim'a se entsoeng ke batheihali ba rōna ba likereke tsa rōna, sehlabelo sa bona ho Molimo, etsoe ho itoketse 'me se ananèloa haholo, empa re ke ke ra momona pholoso ho se entsoeng ke bona! Pholoso ke taba ea motho mang le Molimo. Ha e holim'a sechaba, le kereke ea rōna, empa ka borōna pel'a Molimo, rea ikarabela.

<sup>17</sup> Naha ea rōna e fihlile moo, har'a bathō ba rōna ba atlehileng moeeng, ha u chakela banna le basali ba moea, u fumana ntho e haellang pelōng ea bona.

<sup>18</sup> Re khonne, liveke tse 'maloa tse fetileng, esale ke phetha lintho tsena, ka fumana har'a banna bao ke ba hopotseng e ne e le setsi, koana ba fumanoa ba toboketsa lintho tsa nakoana haholo, ba liila hohle ba ntse ba re, "Molimo o mphile hore-le-hore hoa ho tonana. Molimo o neile..." Lea ithetsa.

<sup>19</sup> Thato ea Molimo ha se kamehla e itšetlehang ka linthohali tsa nama. Molimo o nesetsa ba lokileng le bakhopo pula. Empa kajeno lefatše ha le hloke tumelo e ithetsang, ho leka ho ithetsa ka ntho eo u e bitsang ea moea.

<sup>20</sup> Tumelo e tla etsa mehlolo ea metonana ka linako tse ling, 'me feela e ntse e sa tsœ pelōng ea moea. Na Morena oa rōna ha rialo? "Ba bangata ba tla ho 'Na, ka letsatsi leo, le ho re, 'Na ha kea etsa sena le sane, ka Lebitso la Hao?" 'Me Ke tla ba bolella pēpēnènè, 'Tlohang ho 'Na, Iona ba sebetsang bokhopo.'" Bokhopo ke'ng? Ke ho tseba ho etsa ho lokileng 'me u sa ho etse. "Ha Ke a ka ka le tseba," O tla rialo. 'Me re phela letsatsing leo.

<sup>21</sup> Kajeno ha re hloke nyee e ngata ea nama. Re se re fumane hoo. Ha re hloke likereke tse kholoanyane. Ha re hloke liphutheho tse kholoanyane. Ha re hloke ho hlaha haholo radiong le thelebishene. Ha re hloke ho eketsa tse ling tsa lintho tsena. Empa seo re se hlokanq kajeno, ho fetoha motho oa moea, ke eo ea tla ikokobetsa pel'a Molimo, leha ba hloka peni, 'me ba tla rapela hofihlela moea o ka ho bona o khotsoe molemo oa Molimo, le tsoselsetso e tsosoa ka har'a pelō tsa bona, e fetolang mehopolo ea bona le tikoloho eo ba phelang ho eona.

<sup>22</sup> U ka hloka para ea lieta maotong, u ka apara matamuke, empa ntho e binang meloli ea Molimo e lutse pelōng ea hao. Nka mpa ka fumana eona ho feta chelete eohle lefatšeng.

<sup>23</sup> Ka hona lintho tsa nama u ke ke oa li bitsa pontšo ea tšitso ea Molimo. Davida o buile le Morena, a re o bone bakhopo ba atolosa ling tsa bona...joaloka sefate sa baia. Empa eaba Molimo o a 'motsa, "Empa na u eleletsoe qetèllo ea hae?" Ho sa natse re arapa liaparo tse ntle ha kae, re tlameha ho ja hantle ha kae, ha se sona se kenang ka pel'a Sefahleho sa Molimo. 'Mele ona oo re ahileng ka ho oona, o a timela, ho sa natse o hlokomehoa ha kae. Empa ke moea o ahileng ka ho motho; ke boemo ba moea o kenang ka pel'a Sefahleho sa Molimo o phelang.

<sup>24</sup> Empa re nka lintho habobebe. Re hopola kahobane re le sechaba...Akabe le Israele eohle ba entse hona hoo, letsatsing leo, ba nkile lintho habobebe, ho thoe sohle se itoketse. Baprista ba bona le bareri ba lekile ho ba bolella, "Tsohle li lutse hantle. Sohle se itoketse." Empa ba ena le e mong, ea hlabileng mokhosi khahlano le bobo, hoba enoa o tsebile Molimo o halalelang o ke ke oa khotsofalla litèmalo tsa sejaole tsa borapeli bo hlokanq khalalelo.

<sup>25</sup> Le kajeno Molimo oa Leholumō o sa tšoana. Holim'a maikitlaetso a rōna ohle le lintho tse khōlō tseo re lekang ho li etsa, Molimo o ke ke oa khahloisa haese ke khalaletso e tletseng ea bophelo bo ka pel'a Oona.

<sup>26</sup> Re ka aha likolo, le liemahale, le litabernakele. Re ka thea mekhatlo. Re etsa tse khōlō, empa Molimo o ke ke oa

khotsofala pele moea oa motho o halaletsoa holim'a aletare ea Molimo, ho ikhetha bakeng sa mesebetsi ea Molimo. 'Me le seo ha u sa se fumana.

<sup>27</sup> U fihlela likopano tsa rōna tsa thapelo li fokola hona, thapelo e ka ka motsotso feela, re se re qhomela katleleng. Re e fumana e etsahala hang kapa habeli ka letsatsi. Athé, bohole re molato. Sechaba sa rōna, boitšoarong, se a senyeha. Re na le boBilly Graham le boOral Robert hohle. Empa pele lenyora le fihlela pelō ea Amerika, ho e khutlisetsa ho Molimo o phelang, boiphihlelong bo phelang, tumelong e sa shoeng ho Molimo o phelang. Re mpa re qhanyatsaka maboko a rōna, ka puo eo, re a ntša.

<sup>28</sup> Re ka tsoa re pepile peta, mapetu a lihempe tsa rōna a pennoe ka morao, ra theoha ka seterata, ra batla ho bitsoa "Ngaka" kapa "Motlotlehi." Re ka alosa likereke tse khōlōhali naheng, ra topeloa borapeli bo khonehang, hofihlela motho a ke ke a supa bophelo ba rōna ka monoana. Empa pele moea oo o ka har'a rōna o tukela Molimo, hofihlela ntho e ka hare ka mono, ho Mo fehella hoo! "Joaleka khama ha e tsetselela metsi a molatsoana, moea oa ka o nyoretsoe Uena, oho Molimo." Ho fihlela re fihla boiphihlelong ba mokhalo oo!

<sup>29</sup> Ka baka leo, bokomonisi, le tse joalo, bo tla ja setsi tjena, 'me mekhatlo eohle eo re ka e teanyang ha e ka ke ea bo thiba. E lepiloe ho fihla. Empa Molimo o hlabela Kereke ea Oona mokhosí.

<sup>30</sup> Kamoo semelo sa mosajana enoa se kileng sa tšoanelia Elia! Hobane, ka tloaelo boitšaro ba hao bo a u pepesa. Ebile, hape, keha a khethetsoe ho amohela moporofeta oa Molimo. Le hopole, e ne e le Molichaba, e seng Mojuda.

<sup>31</sup> 'Me lefatše le ne le chesoá ke lebatama. 'Me ntle le pelaelo mosajana enoa, ka semelo sa mokhalo oo, e leng papiso ea molumeli... Hoba re ka bona Molimo o be o sa tl'o 'mitsa, holane a sa tšoanelia ho amohela moporofeta oa Molimo. Hoba O be o sa tl'o romela moporofeta oa Oona tlung e sa lokelang.

<sup>32</sup> Khetho e se ea hae. Khetho e le ea Molimo. E se ka khetho ea hae ho 'mitsa. E le ka taelo ea Molimo. A beiloe pel'a molatsoana. A feptjoa ke makhoa. Empa ka taelo ea Molimo ho phetha ho hong. 'Me ehlide Molimo o batla molumeli ea tšoanang le Elia ka semelo.

<sup>33</sup> E ne e le mosali oa mohlolahali. 'Me re tseba seo, mosali oa mohlolahali, seo a tlamehileng a be a fetile har'a sona, monna oa hae a shoele 'me a tšoanelia ho holisa moshanyana.

<sup>34</sup> 'Me mafatšeng ao mono, ba ne ba tsepile lijalo tsa bona. Ba ne ba sa thea diprojeke tse kang tsa rōna kajeno, le—le limela tsa maitisa. Keha ba tsepile lijalo tsa bona. 'Me ka baka la bokhopo ba bathō, le ka baka la mekhoa e senyehileng, ba ikuhuletse komello holim'a na ha, ke bana ba bolaoa ke tlala 'me ba eshoa.

<sup>35</sup> 'Me ntle le pelaelo re mo fihlela a rapetse bosiu le bosiu, bosiu bohle, ha a lemoha faki ea phofo e qepha, e qepha, e qepha. 'Me ha fihla moo ho sa salang le bohashana ba phoshoana e tlatsang lebekere ka faking. A setse ka e tlatsang seatla feela. Lefu le kena hantle le khorong, le larile monyako oa hae. Hoba mokhoa oa ho fumana letho o no o le sieo. Keha sechaba sohle se bolaoa ke tlala.

<sup>36</sup> 'Me, ole, keha ho setse khabana ka lefisong. Ole e kalo feela le phofo li larile lipakeng tsa hae le lefu. O tšoanetse a ba a ile a hlokokfala haholo lithapeleng tsa hae. Ere hoo ho otle lapa la hao, e tla tšepehala ho feta rōna hoseng hona, ha re tseba lefu le laletse monyako.

<sup>37</sup> 'Me kea lumela, mohlomong, re ka nahana, koana, sena, ho ka thoe o rapetse bosiu bohle, hoba ke letsatsi le leng hape tsohle li tla be li felile. A ka sheba melomo e mesehla ea moshanyana oa hae oa lilemo tse ka bang tharō kapa 'ne. 'Me a ka bona masapo a hae a foforeha, nama e naphoha ho oona. 'Me e tšoanetse e be ebile ntho e nyarosang, ha 'mè enoa, a bona lintho tse hlhang tsena. 'Me, koana, ka matsoho a hae a lebisitsoeng ho Molimo, a rapela motše share le bosiu, "Joale re saletsoe ke bohashana ba phofo e tlatsang seatla le ole e tlatsang khabana."

<sup>38</sup> U a tseba, ho a makatsa. Molimo a e lumelle ho thophothela ho e mong le e mong oa lona, haeba u ka boela oa nkutloa ke rera hape. Oona e be molaetsa. Ho a makatsa, ho makatsa haholo, ha Molimo o sebetsa lintho joalo ka linako tse ling.

<sup>39</sup> U a tseba, hoba re ipolele libe tsa rōna 'me re phethile tlhoko tsohle tseo Molimo a li batlang...Re lumetse ho Molimo. A teng maemo a tlamehang ho phethisoa, 'me ke ho latèla thato ea Hae. 'Me re ipoletse libe tsa rōna, 'me re entse liphoso tsohle tseo re li entseng, li lokile, ho etsa sohle seo re tsebang ho se etsa. Tlhoko ka 'ngoe e entsoeng ke Molimo, kapa e kopiloe, re phethile tlhoko eo, 'me le joale O sa ikhutselitse. Ha A batle ho re arabèla.

<sup>40</sup> Ke kholoa ke bua le bathō, hoseng hona, ba kileng ba thulana le sebaka seo. Ke tsoa mono, hangata, ka bonna. Athé ke bile ka khutla ka menahana le mehlala ea bophelo ba ka ka phethola lejoana ka leng, 'me ke iphumane ke entse bobé, ke tlohe ho ea bo bolela ho re, "Morena Molimo, ke tla e lokisa," le ho tloha ho etsa hoo. Ebe ke khutla ke re, "Joale, Morena, U Molimo; U tla nkarabela. Ruri ke phethile qelo ka 'ngoe U nkopileng ho e phethisa. Le tlhoko ka 'ngoe, ke e phethile." 'Me le joale ha A sisinyehe, eka ho khutsitse, ke mohla u tlamehang ho kholisèha hobane Ke Molimo. Se tepelle. Ntho feela, ke eo, ka pelöng ea hao, ke ho kholisèha ka Molimo.

<sup>41</sup> Sehloho sa ka. Kholisèha, pele, u ka etsa letho le sele. Kholisèha, pelöng ea hao, hore ke Molimo. 'Me mohla u

phethileng sohle seo A se buileng, u tiile hobane Ke Molimo, ke mohla tumelo e tlohang ho ea sebetsa, hantle mono. Tumelo e ema e tiiselitse, hoba e Mo tseba a le teng.

<sup>42</sup> 'Me u phethile tlhoko ka 'ngoe. U a lumela hobane O teng, 'me tumelo e itšoarella ka ho tiea. Oh, ho bokoe Lebitso la Hae! Tumelo ha e sisingoe, hoba e tiile hobane Molimo o teng, 'me ke moputsi oa ba Mo batlang ka ho loka.

<sup>43</sup> Taba ena e thophothele tlase 'me e se le tlohele le ka mohla, Branham Tabernakele. Haeba u phethile litlhoko tsa Molimo, le pelōng ea hao u Mo lumela a le teng, Molimo o mpa a hlahlöba tumelo ea hao, kaha A rata ho etsa hoo. U ipoletse sebe 'me u phethile tlhoko ka 'ngoe e hlokoang ke Molimo, 'me le joale O sa itholetse, hopola, tumelo e Mo tlaleha a le teng. Ke moo tumelo e itšoarellang ho eona, ha e tsebe letho ka eona, empa e Mo tseba a le teng, 'me e kholisèhile hobane O teng.

<sup>44</sup> Ebile, hopola, haeba A le teng, Mantsoe a Hae a tlameha ho nèpa. 'Me haeba A u hlokile ho kopana le maemo ana, 'me u khonne, O tlameha ho baballa Lentsoe la Hae. U se ke oa honyèla, le ho re, "Be, ha ke eso folisoe. Ke..." Oh, uena mofutsana, ea haelloang ke tumelo. U se lumele hoo. Haeba sohle se boletsoe, 'me sohle se ntšitsoe, 'me u phethile tlhoko ea Molimo, tumelo e itšoarella hona mono. Ha ho letho ho e suthisa. O teng, 'me u tiile. "Ba emelang Morena ba tla bona matla a macha; ba tla nyoloha ka mapheo a ntsu. Ba a matha ha ba khathale; ba tsamaea, ha ba tepelle."

<sup>45</sup> Ema, haeba u phethile tlhoko ea Hae. Hoo ho theolela tumelo ea hao ho makhaolakhang. Haeba u phethile... Tlhoko ea Molimo e entsoe, kapa e phethiloe, 'me u e nahantisit ka bottlalo, 'me u entse sohle seo Molimo a u hlokileng ho se etsa, ke moo tumelo ea hao e iphomolelang hantle mono, hore O teng. Kholisèha ka Molimo.

<sup>46</sup> U a tseba, O rata ho re hlahlöba. O rata ho bona karabèlo ea tumelo ea hao. Na u tsebile seo? Molimo o rata ho bona na karabèlo ea hao e joang. Mohla u reng, "Oho Morena, ke a U lumela. U Mopholosi oa ka. Ke U lumela u le Mofolisi. Ke U lumela e le Uena Ea abang Moea o Halalelang. Le lintho tseo ke li hlokang, U Molimo O abang hoo." 'Me ha u ipolela libe tsohle tsa hao 'me u tsepisa Molimo seo u tla se etsa haeba A ka u folisa, 'me kahobane e sa hlahe, joaleka lekoala o balehela nqa e 'ngoe. Molimo a ke ke a sebelisa hoo. Ha ho kamoo A ka u sebelisang. Ha ho kamoo A ka u arabang, kaha A arabèla ka tumelo feela. Ebile, hang feela, u tloha u ikela, 'me ha A khone ho arabèla. Empa ea makhonthe, tumelo ea mannate e ema mono, e kholisèha hore Molimo o teng. Kholisèha hore O teng.

<sup>47</sup> 'Me haeba Molimo o kopa sena ho etsoa, ho ipolela libe tsa hao, le lintho tse joalo, 'me u entse hoo, tumelo e Mo tlaleha a le teng, e kholisèhile e re e tla etsahala. Qèlo ea hao e tlameha

ho abjoa. Oh, ke—ke tšepa le sa tl'o fosa hoo. Haeba o tiile ka Molimo, Molimo o tiile ka Lentsoe la Oona. O mpa a emetse ho u hlahlōba.

O e entse ka makhetlo. Ha re khutleleng lebaka le le leng kapa a mabeli.

<sup>48</sup> Ha re hopoleng bana ba Baheberu. Ba ne ba sa lokela ho khumamèla seséto. Molimo o no o ba tšepa. 'Me hoba ba utloe o—ba tla ea sebōping sa mollo, ba itse, "Molimo oa rōna o khona ho re loèla sebōping sena. Empa leha A sa etse, ha re khumamèla liséto tsa lona." Ua bona, keha ba tiile 'me ba kholisèhile ka Molimo.

<sup>49</sup> Ba Mo tsebile e le Jehova. Ba Mo tsebile a arabèla thapelo. Empa hore O e entse lebakeng la bona, kapa che, e tlamehile e be e le molemong. Ka baka leo ba hlahisa polelo ea bona, ba ipolela libe tsa bona, 'me ba tsamaea ba kenella lefu.

<sup>50</sup> Eitseha ba tloha ba kena sebōping sa mollo, ba itsebile ba tiile, hore, efèla ha Molimo o ba lumella ho cha lore, O tla boela a ba tsosa, tsohong. Keha ba kholisèhile ka Molimo, kaha ba tsebile Molimo o tla sebetsa sohle molemong oa bona. 'Me ha re fèla re kholisèhile ka Molimo, re tseba Molimo o sebetsa tsohle molemong oa rōna.

<sup>51</sup> Ka hona, ba hlahisitse polelo e le 'ngoe. Keha ba kholisèhile, 'me ba kena hantle sebōping sa mollo. 'Me Molimo oa ba lumella ho itsamaela mono; a lutse, a ba shebeletse. A batlike ho bona karabèlo ea bona.

<sup>52</sup> Enere, morena ha a re, "Na le khumamè ha terompeta e letsoa?"

Ba re, "Che. Ha rea ka ra khumama." Ke eo tumelo ea lona, e tiisitse ka thata.

"Be, ka hona, haeba le sa khumama, le tseba taèlo ea ka."

"E, re tseba taèlo ea hao."

"Taèlo ea ka e laetse sebōpi ho besoa hasupa ho feta mehleng, 'me ke tla le lahlela ka mono. Na joale le batla ho khumama?"

"Che. Re ke ke ra khumama." Ke eo tumelo ea bona.

<sup>53</sup> Molimo o re, "Be, Ke tla bona seo ba se etsang ka eona. Ke tla bona karabèlo ea tumelo ea bona."

<sup>54</sup> Ka hona a re, "Ba tlameng matsoho, le ba tlame maoto, le ba tataisetse sebōping." 'Me eaba ba nyolohela sebōping seo, lebatama la mollo le ba otla lifahlehong. Molimo o ntse oeme, o e shebeletse. Empa ba kholisèhile hobane E ne e le Molimo. Ba ne ba ipoletse. Ba lokisitse tsohle, tseo ba li tsebileng. Ba kholisèhile hobane E ne e le Molimo.

<sup>55</sup> Eaba ba toba sebōpi sa mollo hantle. Motsotsong oa ho qetela feela, ke Eo a theoha a kaletse maholimōng, ka koloi ea moea, a phoka maqhubu ao ho bona, A ntse a ba tšelisa a buisana le bona.

<sup>56</sup> Molimo o lumella tumelo ea hao ho fihla ntlheng eo e tla arabèla.

<sup>57</sup> Ho be le Jobo, oa Testamente ea Khale, mohla Satane, moqosi oa rōna, a mo qositseng a re ke moetsalibe oa sekhekhu. Empa Jobo o itsebile a sa sitoa. O itsebile a ipoletse sohle seo a se entseng, le ho hloma nyèhèlo ea secheso mono. E le hlokèho ea Molimo eo. E le phetho se batloang ke Molimo, e le secheso seo le boipolelo. 'Me Jobo o entse lintho tseo.

<sup>58</sup> 'Me Satane o itse, "Ke tla mo hlotha likamele, kaha e le monna oa morui. Ke tla mo hlotha linku." Ho feleng a mo hlotha bana ba hae, se haufi-ufi pelōng ea hae.

<sup>59</sup> Le joale, Jobo a ema tsoe, kaha a tsebile Molimo oo. Be, a kholisèhile hobane E ne e le Molimo, kaha a qoqile le Eèna, 'me a phethile littlokèho tsa Hae. A lekolisia a theoha 'me a fihlela, "Ke hlahisitse secheso ka seng. Ke itse pelōng ea ka, 'Ekaba bara ba ka ha ba entse e-e 'moka, 'me ho etile le barali ba ka, ekaba ba sitiloe sephiring pelōng tsa bona, ka hona ke tla ba hlahisetsa secheso ke bolele bobe ba bona."

<sup>60</sup> Oho Molimo! Motho ha u boloka taèlo ea Molimo, u kholisèhile hobane Ke Molimo, O tlameha ho arabèla. Tumelo e Mo biletsha temeng, nako le nako.

<sup>61</sup> Ha u entse se u se tsebang se lokile, ha u phethile lihloko ea Hae, ha u ipoletse 'me u lokisitse litaba, o theile lipoelano, oa e ala pel'a Molimo. Ha ke tsotelle khutso ea Hae e kae, E sa le Molimo, ho emela ho hloma tumelo eo mono. U phethile mesebetsi ea hao, joale O batla ho bona tumelo ea hao ka mesebetsi ea hao. O batla ho bona na u tla etsa'ng.

<sup>62</sup> Haeba u tlotlitsoe u rapeletsoe, Molimo o emetse ho bona seo u tla se lumela ka eona. Ha se ho boela u matha Sontaha se hlahlamang, le ho matha letsatsi le hlahlamang, le mohla mofolisi e mocha a fetang motseng. O lebeletse ho bona karabèlo ea tumelo ea hao. Hase ho khutla bocha, tsatsi le latelang, ho thoe, "Ke ikutloa hampe, ha ke kholoe ke folile." Mola oa thapelo ha o a u lokela, tabeng ea pele. Lekhale. Lekhale. Ha u a itokisa, le joale. Ha u Mo lumele e le Molimo. Ha ke . . .

<sup>63</sup> U ka re, "Moena Branham, ke banana le uena." Liketso tsa hao li u supa semelo sa hao. "Le tla ba tseba ka ho bea ha bona." Motho ha a ipolela e le Mokreste; 'me a sa ntse a enoa, a tsuba, a mokola, a etsa mesoaso e litšila, 'me a re, "Karolo ea Bibele e nèpile, 'me likarolo tse ling che." A ka bolela Evangel, a 'na a latola karolo ea Bibele. Esale moetsalibe. Le joale, ha eso loke.

<sup>64</sup> Empa ha u bolela pèpènènè u re Molimo esale Molimo oo, 'me bophelo ba hao bo sebeletsa matsohong a Hae, ho fetoha "Morena, 'na ke letsopa; Uena u 'Mopi," u ka kopa seo u se batlang. Tumelo e ke ke ea sisinyeha. E tla ema hantle mono.

<sup>65</sup> Leha maemo a bohahala a theleha ka ho le letona le leqèlèng, empa tumelo eo ha eso sisinyeha, hoba u Mo khotsoe e le Molimo. 'Me haeba E le Molimo, O boloka pallo ea Hae. A ke ke a etsa tsepiso a ntano e roba. Haeba E le Molimo, O tlameha ho boloka tsepiso ea Hae. Oh, ke rata hoo. O tlameha ho e tsitlalletsa.

<sup>66</sup> Jobo o hlahisitse nyèhèlo tsa hae; o entse sohle. O itsebile a nèpile. Eaba ho feta maloko a kerekere, tse ling tsa likerekere tsa malumeli a mang, ha thoe, "Jobo, u mpe u itlalehe u le moetsalibe, hoba Molimo ha o ka ke oa u lumella ho otloa tjena u se moetsalibe."

<sup>67</sup> Empa Jobo o itse, "Ke ipoletse. Ke behile pel'a Molimo secheso, 'me ha ke moetsalibe." O itsebile moo a emeng teng. Eaba ntho eohle e tsoelapele, joalo le joalo le joalo, ka potlako e khonehang, ho leka ho nyahamisa Jobo, le ho fihlisa Jobo moo a ka latolang Molimo a ba a latola secheso seo. Ka nako ha u nka khato holim'a eng le eng eo u ipolelang eona, hoo ho supa bofokoli ba hao, pelaelo ea hao ho Molimo. Ha u kopa Molimo eng le eng, u tsamaea u e belaela, etlaba u mobelaeli e seng molumeli.

<sup>68</sup> Jobo o itsebile moo a emeng teng, eaba o ema a tiile holim'a motheo oo.

<sup>69</sup> Ha re makale Pruitt a boletse, horeng ea ho shoa ha hae:

Ke ema, ho Kreste, Lefika le tiileng;  
Mobu oohle ke 'habathe le tebang.

<sup>70</sup> Holim'a lefika le tiileng leo la maipolelo a Jobo, esita le mohatsa'e a tsoa. Mohla bophelo ba hae bo fofrehileng, le mathopa a mo apere, a ikhoabitla 'me a rohaka letsatsi leo a tsoetsoeng ka lona. Ho re, "Letsatsi le se hhole le le chabela! Khoeli e likele nakong ea bosiu."

Mohatsa'e a re, "Jobo, u motho ea soto. Hore'ng u sa rohake Molimo oa shoa?"

<sup>71</sup> A re, "U bua joaloka basali ba sethoto." A kholisèhile hobane Molimo o teng, 'me o phethile lihloko. Oh, ke ikutloa ke halalela. O itsebile a phethile lihloko tsa Molimo, 'me eaba ke phetho. Molimo o no o hlahlöba tumelo ea hae. O tla hlahlöba ea hao. O tla hlahlöba ea ka.

<sup>72</sup> Empa mohla re phethileng lihloko tsa Hae, "Bakang e mong le e mong oa lona le kolobeletsoe ka Lebitso la Jesu Kreste tsoarelong ea libe tsa lona, le tla amohela neo ea Moea o Halalelang," ke tsepiso ea Hae eo. "E mong har'a lona ha a kula, a bitse baholo ba kerekere. Ba mo tlotse ka ole, ba mo

rapelle. Thapelo ea tumelo e tla pholosa mobabi, 'me Molimo o tla ba tsosa." Ke phetho. "Ipoleleng littolo, e mong ho e mong, le rapellane." Le phethile lihlokèho tsa Molimo.

<sup>73</sup> "Mehlolo e tla tsamaea le ba lumelang ke eona ena. Ba tla leleka batemona ka Lebitso la Ka; ba tla bua puo e ncha; ha ba tšoara linoha kapa ba enoa lintho tse bolaeang, li ke ke tsa ba lematsa; ha ba beha matsoho a bona holim'a bakuli, ba tla fola." Ke phetho.

<sup>74</sup> Kholisèha ka Molimo. Tiea, ka pelōng ea hao, u lumela leo e le Lentsoe la Molimo. Jobo o e entse.

Mohatsa'e o itse, "Hore'ng u sa Mo rohake oa shoa? Khele, u ntse u mpefafala ka linako tsohle."

<sup>75</sup> Kamoo Satane a ratang ho u phara ka eona. "Khele, ha u betere ho feta mohla u nong u tlotsoa. Ha u a ntlafala ho feta mohla bareri bao ba u rapellang. Bareri bao ha ba loka, le ho qala feela." Ha se taba ea moreri eo. Ke tumelo ea hao ho Molimo o phelang, se bohloko. Ha se seo moreri a leng sona; ke seo Molimo o leng sona. Moreri ha se eëna ea tšepisitseng; Molimo ke oona o tšepisitseng. Ha e a itšetleha ka moreri; e itšetlehile ho Molimo, le tumelo ea hao ho lumela hore eo ke Molimo. Kholisèha ka Molimo ke hona. Kholisèha hobane ke Molimo, le hobane ke Lentsoe la Molimo. 'Me Molimo o Lentsoeng la Oona.

<sup>76</sup> 'Me Jobo o itse, "U bua joaloka mosali ea leoatla." Ho re, "Morena o neile, 'me Morena o nkile; ho bokoe Lebitso la Morena." A kholisèhile ka boteng ba Molimo.

<sup>77</sup> Eare hoba a qete ho bua seo ka molomo oa hae, lialuma tsa qala tsa thoathoaretsa le mahalima a qala a tsekema. Molimo oa hata temeng. Kamehla hoo ho Mo biletsha temeng. A kile a lula ka khutso halelele.

<sup>78</sup> Ke seo A se etsang. Shebang mphi ena ea Maamerika a habileng liheleng, baikaketsi ba tsamaeang kereke. Ha kea halefa. Empa sebe se halefisa mang le mang ea lokileng ho Molimo. Ha se ho halefela sechaba, ha se ho halefela bathō, empa ke halefetse Liabolosi ea hlahisitseng lintho tsena ho foufatsa bathō.

<sup>79</sup> Balisa ba foufetseng bana le bareri ba ba lumella ho e feta moholotsa ka thutamolimo e teiloeng ke motho. U tlameha ho tsoaloa labobeli. 'Me Molimo o boloka Lentsoe la Oona. Ho mo bona a ba a etsa tsuonyana-robala. U mpe u tiee ka boteng ba Molimo. "Ba nang le sebopého sa borapeli, ba mpa ba latola Matla a jona."

<sup>80</sup> Mosajana enoa, oa bathō, o Mo tsebile e le Molimo. Eareha ha faki eo e ntse e qepha, e qepha, e qepha, maemo a eketsa ho mpefala le ho mpefala, ka linako tsohle. Empa Molimo oa e lumella ho ba jaalo. O mpa a rata ho etsa hoo. O rata ho hlahlōba

tumelo ea hao, ho bona kamoo o tla e arabèla, ho u lumella ho tlotsoa le ho rapelloa, a ntano e mpefatsa. Ho re, “Tloo, Satane, mo fetise tekong. Kea mo tseba o lumela ho ’Na.” Ho bokoe Molimo kamehla! Oh, khili! [Moena Branham o opa liatla tsa hae habeli—Mong.] “Mo fetise tekong joale. Kea mo tseba o nkile Lentsoe la Ka mabapi le eona.” Na A ka rialo ka uena?

<sup>81</sup> O itsalo ka Jobo. Ho re, “Mo etse seo u se batlang, empa u se ke oa nka bophelo ba hae, hoba Kea mo tseba o a Nthata. O lhahisitse secheso. O phethile lihlokèho. O entse seo Ke mo laetseng ho se etsa, ’me o a se lumela. Joale mo pitikise holim’ a mashala ha u batla.” A mo amoha sohle. Molimo oa e menahanya mohla A busetsang ho eëna. Ehlide, O tla etsa.

<sup>82</sup> O fetisa tumelo ea rôna hlahlôbong, ho bona haeba re hlile re lumela hoba Molimo o teng.

<sup>83</sup> Mosajana eo, ntle le pelaelo, ho itsoe, “Ke rapetse. Ke rapetse. Kea itseba ke Molichaba ea se nang tšoanelo.”

<sup>84</sup> Le hopole, Jesu o buile ka eëna Bibeleng. O itse, “Na bahlolohali ba ne ba se bangata mehleng ea Elia? Empa a romeloa ho a le mong, ’me e le Molichaba.”

<sup>85</sup> “Oh,” a rialo, “Kea rapela.” Mohlomong, eareha a bonang senkhoa seo sa ho qetela, lefu le se le kene khorong ’me le kene monyako. Mothamo o le mong hape, bobeli ba bona, ’me eëna le mora oa hae ba shoele. Kea ’mona, bosiu bohole, a ntse a rapela, ho foka meea e chesang eo, lefatše le tlabohile, le bathō ba lla ba hoeletsa literateng. A tsamaea a likoloha, ka tlung. A sheba moshanyana oa hae. A sheba lipijama tsa hae tse nyenyane; keha li tabohile, ’me maoto a hae a hloelisitse. A icheba matsoho, a sosobane. A tsamaea a ea morao le pele, empa a re, “Kea Mo tseba ke Molimo. Ke ipoletse ka botlalo. Ke phethile sohle seo A se hlokileng. Ke quella maphelo a rôna, tlotlisong ea Hae.” Molimo oa na oa ’mona.

<sup>86</sup> Boholo ba bona keha ba tsoile ho tšoara motjeko o moholo nqa e ’ngoe, ba ntse ba intlafatsa, ba tšoere pontšo ea thelebihshene ea seojaole kapa ho hong, ba ipapisitse le lefatše. Empa ke mosali eo feela ea neng a eme le Molimo.

<sup>87</sup> Letsatsi la chaba. A re, “Mothoana o llile bosiu bohole, a batla ho jeoang. Nka etsa’ng ka bohashana ba phoshoana e tlatsang seatla se le seng?”

<sup>88</sup> U a tseba, phofeo eo e ne e le Kreste. Moithuti ofe oa Bibele o tseba Kreste e ne e le nyèhèlo ea Phofeo. ’Me nyèhèlo eo ea phofeo e ne e tlameha ho siloa ka leloala le ikhethang, hape, ho fihlela le sitse thollo ea koro ka ’ngoe mahaila a lekanang; hobane Jesu Kreste esale eëna, maobane, kajeno, le ka ho sa feleng. ’Me molumeli e mong le e mong o lumela hoo ’me o phomola holim’ a eona. Alleluia! U ka boloka borapeli ba hao bohole ba khale, bo batang bo hoammeng boo u bo batlang. Ho

<sup>’na, ke lumela Kreste esale eèna maobane, kajeno, le ka ho sa feleng. Ke ema pontšeng ea lefatše la bahanyetsi. Ke sa Mo lumela esale eèna maobane, kajeno, le ka ho sa feleng.</sup>

<sup>89</sup> Maloala ao a sila karoloana ka ’ngoe mahaila a lekanang, hobane esale Eèna. Esale Oona Molimo o kileng oa ba teng, O sa le teng hona joale, hoseng hona. E tla be esale a tšoana. Phofo e ne e lekanya hoo.

<sup>90</sup> ’Me ole e lekanya Moea, kamoo re tsebang ho latela Ezekiele 4, le joalo. Ke lona lebaka la rōna ho tlotsa ka ole; ke Moea. Ke eng? Joaloka Mohalaleli Johanne 4, “Ntate o batla ba Mo rapelang joalo ka Moea le ka ’Nete.” Jesu e ne e le ’Nete. E ne e le nyèhelo ea Phofo, ’me ole ena e le Moea. ’Me Moea, ha o tsoakiloe le ’Nete, ho hong ho tlameha ho hlaha. Li kopanye ’moho, li hlahisa senkhoa. Oh!

<sup>91</sup> Tumelo ea hao e ho kae? Lentsoe la Molimo ha le boleloa ka ho nyatseha ha Lona, leha koana e le ka Matla a Lona, le re Jesu Kreste esale eèna maobane, kajeno, le ka ho sa feleng, ’me Lentsoe le tsoa e le Phofo, u tšoere Ole ho e luba le Lona. Ekaba e tlatsang seatla feela, kapa khabana, empa, e ka bang eng, e tiile.

<sup>92</sup> Joale le loketse eng? Le loketse sefapano. Le loketse ho iketsa sehlabelo. U lokela ho etsa hoo. Lentsoe hoba le boleloe, ’me u tšoere Moea ho Le tsoaka ’moho, ho iketsa sehlabelo ke ho latola lehlaba ka leng, ho latola pabo ka ’ngoe, ho latola sohle se khahlano le Lentsoe la Molimo, le ho ema holim’ a eona.

<sup>93</sup> Ngaka e bolela *sena, sane*, kapa se *seng*; ha e etse phapang ea letho. Ema holim’ a Lona, hobane Molimo o boletse joalo. Phofo ea fihla. U tšoere Ole. U E tsoaka ’moho.

<sup>94</sup> Joale, ke utloa puo. Hoba letsatsi le chabe nakoana. Puo e a bua, ’me ho thoe, “Tsoa u kene jareteng ’me u roalle lipatsi tse peli.” Le lemohile na, Lengolo le itse “lipatsi tse peli”? Sefapano. O tšoere phofo le ole, empa o tli’o biletsoa hona, ho nka khato joale; ho nka khato holim’ a eona. E bang u tšoere ho ho kae, Phofo e ngata kapa Ole eo u e hlokang, empa u tlameha ho nka khato; ho iketsa sehlabelo.

<sup>95</sup> Lipatsi tse peli. Ha ba eso sibolle mokhoa o motle ho feta mehleng ea khale ho besa mollo. Ha u nka patsi u e fapanya le patsi, u e hotetsa lipakeng, u rotètsa lintlha tse peli. Maindia a ne a besa mollo oa bona. Ke o besitse, hangata, bosiu tšekhè. Tšoara sekoqo, ka tsela *ena*, le se seng ka tsela *eane*, ebe u ntse u e rotelletsa mollong ha o tuka.

<sup>96</sup> Patsi eo e ne e le sefapano. “Lipatsi tse peli,” Bibele e itsalo. Puo e buile, “Haola le jarete u roalle lipatsi tse peli.” Ka eona nako eo, holim’ a thaba, puo ea thoathoaretsa tlase holim’ a moporofeta ’me ha thoe, “Kena motseng. Ke se ke laetse.” Oh, khili! Bobeli ba bona ba bile le kutlo. Ntho e tlameha ho etsahala. Bobeli ba bona bo na le kutlo.

<sup>97</sup> Ha moreri a bolela Lentsoe, 'me monna ea Le amohelang a Le lumela a nka khato holim'a Lona, ntho e tlameha ho etsahala. Ha u le moetsalibe, u tla tlameha ho bolokeha. Ha u baba, u tla tlameha ho fola, hoba Molimo o e tsepisitse, haeba re kholisèhile ka Molimo.

<sup>98</sup> Ruri joalekaha E le Molimo, O tlangoa ho boloka Lentsoe la Hae. Ruri! Eaba ho latèla taelo, "Kena motseng, hoba Ke se ke laetse mosali oa mohlolohali." Pono ea hlähela moporofeta. Ke enoa a etla, a tsamaea. Ha a tsebe o ea kae; ha e etse phapang ea letho. O mpa a kene kutlong.

<sup>99</sup> Ha a tsebe moo lipatsi li tla be li robetse teng, empa tao-tao lipatsi tse peli li teng ka jareteng. A tlöseletsa. A tsoela ka ntile jareteng. A qamaka, "Oh, ha se le mocheso bo!" Lillo tse tsoang motseng, lilala tsa bosiu e le hona li fihlang, li khōosana joalo, li noa veine ea tsona, le lintho. A betsetsa mahlo tlase seterateng. Ha a bone letho. A thonaka patsi e le 'ngoe; karolo ea sefapano, ho iketsa sehlabelo. A thonaka sekotoana se seng, patsi. 'Me eareha a thonaka patsi eo ea bobeli . . .

<sup>100</sup> Oh, tšarèlo e tšoanetse e be ebile kakang, lefu le laletse monyako. Eèna le mora oa hae ba tlameha ho ja thathana e le 'ngoe ea bohobe ba shoe. E le phetho. 'Me ka linako tse ling, hantle khabareng ea tšarèlo eo, re ee re utloe puo eo.

<sup>101</sup> Hoba a thonake patsi eo ea bobeli 'me a khutla, puo ea hlaha khorong, ha thoe, "Ntlisetse metsana ka mohopè."

<sup>102</sup> A sokoloha ho sheba, a tšoere lithutsoana tse peli letsohong la hae, phofo le ole li lubiloe li lokisitsoe. O ipoletse a li lubile, a li tsoakile 'moho. Ke eona, Lentsoe le Moea, li tlameha ho tsoakoa 'moho. Li robatse holim'a sefapano sa boiketso-sehlabelo, ho latola sohle se khahlano le seo u se kopileng. Ke eona hantle. "Ke e lubile, joale ke sa ea roalla lithutsoana tsena."

Eaba puo e re, "Ntlisetse metsana, ka mohopè."

<sup>103</sup> O a talima, 'me o bona ho eme monna, a itšetlehile ka khoro, a phathahane marama, a le litelu, a le lefatla, a shebile ka nqane ho khoro, a ithatile ka letlaloana la khale la nku. A shebeha e le monna oa khale ea batlang a lokileng a le mosa.

<sup>104</sup> A re, "Ke tla mo arolela metsi a ka." Metsi a Bophelo, u ikemiselitse ho a nea mang le mang, ho bolela mang le mang, ho ea hohle. "Be butle, monghali." A khutla, a jere lipatsi letsohong la hae.

<sup>105</sup> 'Me puo ea boela ea thoathoaretsa, "Ha u arole metsi a hao a 'notši, empa ntlisetse thathana ea bohobe ka letsoho la hao." Bohobe ba bophelo; metsi a bophelo! Na e ne e le ba bophelo? O ne a tla shoa hang mohla bo felang. "Ntlisetse metsi a hao u be u ntlisetse bohobe ba hao."

<sup>106</sup> Mona re fihlela'ng? Re ka ithuta'ng? "Le batle 'Muso oa Molimo pele, le ho loka hohle ha Hae; tsohle li tla ekeletsoa."

“Ntlisetse metsana le thathana ea bohobe.”

<sup>107</sup> Eaba o ikgatla, tšarèlong ea hae. Ke mo utloa a re, “Monghali,” ntho e kang ena, “u fapani le banna bao nkileng ka ba bona, le banna bao ke ba utloang ba bua. U bonahala u tiile ka seo u se buang. Empa ke na le phofshoana e lekaneng feela, e tlatsang seatla feela, le khabana ea ole. Ke se ke e lokisitse, ‘me ke sa tla e apeha ka lithutsoana tse peli tsena.’ Me ke tla ja, ‘na le mora oa ka, re ntano shoa. Ke phetho seo ke se tšoereng.”

<sup>108</sup> Re utloa’ng, ke hona, khetlo le latelang? “Empa, tlisetsa ‘na pele, thathana eo.” Molimo, pele. Ho sa natse mang o re’ng, eng e bua’ng, bopaki ke bofe, tšarelo e kana ka’ng, e ka bang eng, nka Molimo, pele. Lentsoe la Hae, pele.

<sup>109</sup> “Ngaka e u tlalehile u ke ke oa hlaphohelo.” Empa, Lentsoe la Hae, pele. “Ke moetsalibe ea soto. Ke seotsoa. Ke semokolara. Ke letaho.”

Lentsoe la Molimo, pele. “Leha libe tsa lona li le khubelu joaloka sekarelata, li tla soefala joaloka lehloa; li le khubelu joaloka kirmsone, li tla soefala joaloka boea.” Pele, Molimo.

<sup>110</sup> “E-ea, tlisetsa ‘na pele, thathana eo. Sohle seo u se ruileng, ntlisetse sona.” Ana u ikemiselitse ho se bea matsohong a Hae?

<sup>111</sup> Bophelo ba ka, sohle seo ke leng sona. Lilemo tsa ka li mashome a mahlano. “Ana u ikemiselitse, William Branham, ho Mpehela bona? Ana le ikemiselitse, lona bana ba banyenyane, ho Mpehela bophelo ba lona? Ana u ikemiselitse? Le ka khona na, lona bathō ba kulang? Ana le ka Ntšepa? La Mpea tulong e pele.”

<sup>112</sup> “Ntlisetse thathana ea bohobe ka seatla sa hao, u be u ntlisetse metsana.” A mo shalima. Mono ntho ea ‘molella monna eo a tsebile seo a neng a se bua.

Molimo o tseba linku tsa Oona ka Sebele. “Linku tsa Ka li tseba Puo ea Ka. Lia tseba haeba e le Lengolo kapa che, haeba e lokile kapa che.”

<sup>113</sup> A ikgatla, ka kutlo. U tlameha ho etsa hoo. ‘Me ha a retoloha, ho phethisa ka polelo ea moporofeta, sealuma sa theoha Leholimōng, seo mang le mang a batlang ho se utloa. Hoba, sealuma se tsoile kolung ea moporofeta, sona seo mo’libe ofe le mokuli ofe a lakatsang ho se utloa, “HO RIALO MORENA.”

<sup>114</sup> Re lakatsang hakakang ho Se utloa! Kamoo bathō ba kileng ba lara tseleng ea ka, ho thoe, “Tloo monyako oona. Morali oa ka o tjena. Lesea la ka, khele, le tetebetse hona. Ak’o bue lentsoe feela.” U ka le bua joang pele le lutse molomong oa hao? U tla be u bua u iqalla. Empa ba labalabela ho utla hoo, “HO RIALO MORENA.”

<sup>115</sup> Ke seo se hlaha, ka nqane ho motero, kahobane a bile le kutlo. Eaba tšarelo e a siroha. “HO RIALO MORENA. Faki e

ke ke ea qepha, esita le lefiso la omella, ho fihlela letsatsi leo Morena Molimo a romelang pula leftšeng.” Oh, matšeliso a makakang!

<sup>116</sup> Eaba o apeha thathana eo. A e neeletsa moporofeta. A khutla a etsetsa mora oa hae le eèna ka sebele. ’Me ba eja ba enoa, ho le ho ngata, holim’ a lefatše.

<sup>117</sup> E hlahile kae? E fihlile joang mono? Mpolelle moo phofo eo e hlahileng teng ho latèla mahlale. Ole eo e hlahile kae? E kene joang lefisong leo? O ne a e tšetse le omeletse, hoseng ho hong le ho hong. A phophothile faki ea phofo, hoseng ho hong le ho hong, ’me e omeletse. Empa eareha a khutlela ho kha, e le teng. E hlahile kae? Nka Molimo Lentsoeng la Hae. Kholisèha ka Molimo. Ke ’Mopi.

<sup>118</sup> Ekaba u lahlehetsoe ke monate ’meleng. U ka tšoana u lahlehetsoe ke bolekane ba hao. Mo nke Lentsoeng la Hae. Kholisèha hobane Ke Molimo. Linako tsa tšarèlo tse kalōtseng mahlo joale, mohlomong ha li ka ke tsa bonahala li nyahamisa hakana hola feela u ka Mo nka Lentsoeng la Hae ’me oa kholisèha hore Ke Molimo.

<sup>119</sup> Koana Jeremane, ka mohla o mong, nkile ka bona papiso, ’me esale e nkhomaretse. Keha setaki sa Mojremane se takile e... setšoantšo se—se reiloeng “Lefatše La Lerus.” ’Me ha u se sheba, u le hojana, ke moroeroe o šarètsoeng o nyarosang oo u kileng oa o bona. Ke maru a opaneng ’moho feela, ha u se shebile hojana. Empa ha u hlide u se atamela, se a fetoha. Ke Mangeloi a tsokotsang mapheo, a binela Morena li-allelua. Tšarèlo e joalo ka linako tse ling. Ha u ka e shebella, u le hole koana, e bonahala e šarètsoe e le leròthò. Empa nka Molimo Lentsoeng la Hae ’me u kholisèha hore Ke Molimo, ’me u e atamele haufi, u tla fumana mapheo a tsokotsoang a Mangeloi.

<sup>120</sup> A batla a tšoana le Abrahama, ho biletsoa ho nehela sohle sa hae, ho se robatsa holim’ a aletare ea sehlabelo. Mohlomong u bitsoa ka tsela eo, hoseng hona. Ho tèla litsela tsa hao. Ho tèla ho se lumele ha hao. Ho tèla sohle sa hao. Le ho nka Ole le Lentsoe, le ho E tsoaka ’moho, le ho E beha holim’ a aletare ea boipèho-sehlabelo. U tla fumana, E tla hulela Molimo temeng, ruri joalekaha ke eme sefaleng sena.

E nahane re sa rapela.

<sup>121</sup> U na le hloko kajeno? U na le hloko e hlolang bokhoni ba nama ea hao? Ana chelete e tlase hoo u sa khoneng ho lefa rente? Na bana ba batla lieta tse ncha, ’me ha u na chelete ho ba rekela? Na faki ea lelapa la hao e lephaka, le phiso e se e tla omella? Ha u khone ho rekela mehlape ea hao furu? ’Me, mono, phoso e teng? Hopola, O entse tšepiso.

<sup>122</sup> Na u a kula, ’me ngaka e u tlaleha u hloka karo? U hloka chelete ho e etsa? U a hloka.

<sup>123</sup> Na u moetsalibe? Na hloko ea hao e khōlō, u a tseba ha Molimo o ka bitsa, kajeno, u tla be u lahlehile? Na u mongala o balehang Molimo? 'Me u itseba u le setho sa kereke e itseng, empa u itseba u sa loka? Letsoalo la hao le a u joetsa, ho latēla Lentsoe, hore ha u a loka. 'Me u a hloka. U se ke oa lumella mantsoe ana ho oela mobung o meutloa, kapa majoeng, lipelōng tsa majoe. A ke a oele mobung o motle, o nonneng.

<sup>124</sup> Ha u kula 'me u...ngaka e u tlaleha u ke ke oa fola, 'me u tsepisa Molimo ho Mo sebeletsa matsatsi ohle ho phela ha hao, u bile u kholisèhile hoba Ke Molimo, tloo u phethise hloko ea Hae. Haeba u hloka, na pele u ke ke oa phahamisetsha Molimo letsoho la hao, le reng u hloka ho hong? Molimo a u hlohonolofatse.

Ha re rapeleng.

<sup>125</sup> Oho Morena, ruri mokana ke eme sefaleng sena hoseng hona, ke tseba ho se le le leng la matsoho ao le beng le ka phahama U sa le tsebe, hoba Uena u Molimo. U boletse, "Na lirōbele tse ngata ha li rekisoe ka peni tse peli? Na le fetisa serōbele ha kakang!" Hakakang U bone matsoho a bomotho bao ba busoang ke ho shoa, ba shoetsoeng ke Mora oa Hao Jesu! Hakakang U bone matsoho a bona ho feta kamoo U bonang serōbele, hola se ka oa hoseng hona! Kea kholoa, tosene ea lirōbele, e ke ke ea rekisoa ka peni hoseng hona, hoba ho se mang ea li batlang. 'Me ho li pata ekaba bothata. Empa U tseba se seng le se seng; U tseba lesiba ka leng 'meleng oa tsona. U tseba moriri o mong le o mong o hlohong ea rōna.

<sup>126</sup> Oho Morena, arabèla thapelo. Ba ke ba kholisèhe, hoseng hona, hore U Molimo, 'me Ke Moea oa Hao. Laela bonthithi le mahali-hali a borapeli ba letsatsi lena la joale a fōfōrehe ho bona, ho re, "Oh, ke setho sa kereke e itseng." Molimo, hoo ho nyamele kelellong ea bona, hona joale. Motsotsong o le mong oona, ba qhautse khabanyo ea Bophelo Bosafeleng. 'Me ke moo ba tla batla 'me ba Bo lapele, ho tseba seo Molimo o leng sona, 'me ba kholisèhile hobane O teng. O boloka Lentsoe la Hae.

<sup>127</sup> Ho moetsalibe, ba bake ka potlako, ba itokisetse kolobetso ka Lebitso la Jesu Kreste. 'Me U tsepisitse hore U tla ba nea Moea o Halalelang. U e buile, Morena. U boloka tsepiso ea Hao.

<sup>128</sup> O teng mongala o kholisèhileng hore U Molimo, 'me ba hlahlathètse hole. Ba ke ba khutle kajeno, hobane U boletse, "Leha libe tsa lona li ka ba bofubelu ba sekarelata, li tla soeufala sa lehloa. Li le bofubelu ba krimsons, li tla soeufala sa boea."

<sup>129</sup> 'Me ha ba kulang ba le teng, ba elelloe hore U Molimo. U boloka Lentsoe la Hao. U tšoanetse ho boloka Lentsoe la Hao. Ere ba sa ithobatsa, ka Ole ea bona, Moea o ka ho bona o ba kholisang o re ba a lumela. 'Me ebile, hape, ka Lentsoe, Bohobe ba Bophelo bo tsoileng, Kreste; bo hailetsoeng bona, ka har'a Testamente ea Khale; le ka har'a Testamente e Ncha, ho Mo

supa esale eèna maobane, kajeno, le ka ho sa feleng. Ba ke ba tsoakanye Lentsoe leo le Ole, Moea, oo ba o ruileng, ba ntano ema ka maoto a bona aletareng, ba re, "Sena ke phetho seo ke se tšoereng, Morena. Ke a se tlisa."

Oh, kamoo U tla e atisa kateng! Kamoo e tla biletsha Molimo oa histori temeng eo! Kamoo e tla tsosa Jehova, pelō e hōhōmōhile, hona, "Ke na le ngoana ea Nkutloang. Ke mo fetisitse tekong, 'me o ipaka a Nthata a bile a lumela ho 'Na. O kholisèhile hore Ke teng." Hoba ho boletsoe, "Ea tlang ho Molimo o tlameha ho lumela hobane O teng, le hobane ke mopusi oa ba Mo batlang ka ho loka." Aba sena, horen ena, re sa e laeletsa ho Uena.

<sup>130</sup> 'Me, joale, re sa inamisitse lihoho tsa rōna. 'Me bao ba hlokang letho, na le ka ema ka maoto a lona, le batlang ho beha... Joale, ha u sa kholisèhile hore Ke Molimo... Ha u kholisèhile hore Ke Molimo, a tla boloka tsepiso ea Hae, poloko, pholiso, e ka bang eng, ha u kholisèhile hobane Ke Molimo, ema ka maoto a hao. Ha u bata ho rapella motho e mong, ema ka maoto a hao. Haeba u—haeba u kholisèhile hore Ke Molimo, tsebisang likopo tsa lona liphuthehong tsa bahalaleli. U etsa hoo u sa ema ka... [Sekheo lebanteng—Mong.]

"Ke kholisèhile hore Ke Molimo. Kea lumela O boloka Lentsoe la Hae. 'Me ke kholisèhile hore kopo ea ka... Ke tla e bea tlas'a Mali, hona joale." Haeba u etsa hoo, bea sebe ka seng. Sebe ka seng ke ho se lumele. U ka ba setho sa kereke, empa ke bolela sebe, "ho se lumele" ha hao. U e rapelatsa fatše e le sehlabelo. U tlil'o e etsa sehlabelo. U tla sefapanong. U tlil'o etsa sehlabelo, joale, ho se lumele ha hao hohle. 'Me u Mo nehele eona, 'me u tsebe hobane O teng, 'me u kholisèhile A tla arabèla. Haeba u le joalo, phahamisa letsoho la hao. Lula u entse hoo.

<sup>131</sup> Morena, Uena u Molimo. Ole ea bona le Koro ea bona ke tsena, li lubiloe 'moho. Ba E tlisa sefapanong, teng Mollo oa Molimo o tla tšolohela lipelōng tsa bona (haeba ba hlile ba tiile) 'me o chese sehlabelo seo. U tla hata temeng, ho phahamisa leqhubu la metsi. Ho theoha Leholidōng, ka koloi ea Mollo. U tla sisinya maholimō oohle le lefatše, ho ba putsa.

<sup>132</sup> Ere ba sa ema ba phahamiselitse matsoho a bona moeeng, ho itšupa ba lumela, 'me ba ithobalitse, 'moho le hloko ea bona ka 'ngoe, hantle holim'a aletare ea Hao. Oho Molimo oa Leholidōng le lefatše, Moahloli oa Maholimō le lefatše, ruri Moahloli oa Leholidōng le lefatše a ka etsa ka ho loka. Ruri O tla boloka Lentsoe la Hae, Uena U tsebang lipelō tsa banna, lipelō tsa basali, lipelō tsa bathō bana.

<sup>133</sup> Morena Molimo, ke phahamisa matsoho a ka, hoba ke itseba ke tobane le phethoho ea tšebetso ea lentsoe joale. 'Me ke U lumela u le teng. Ke U bone u eme koana ka Topallo ea

Mollo. [Moena Branham o kokota hararo sefaleng—Mong.] Ke U bone u hlahlōba makunutu a pelōng tsa bathō. Ha U eso fanye le ha 'ngoe. U e tsepisitse mohla U e etsang koana, ka ngane ho seterata mona, mohla U qalang ho etsa lintho tsena. 'Me U ntshirelelitse lefatše bophara, le ho potoloha le ho potoloha. Ke kholisèhile hobane U Molimo. Ke kholisèhile ka hoo.

<sup>134</sup> Ke inèela le bathō bana 'moho, le ho ipea sehlabelo ka sohle seo ke se ruileng, Morena, ho Uena, bakeng sa tšebetso. Ke boela ke qalisa, Morena, ke potoloha lefatše. Nthuse, oho Molimo. Ekare ha ke sa U lumela nako efe, ntšoarele libe tsa ka. Ntšoarele ho se lumele ha ka. Kea tseba hore U teng, 'me u moputsi oa ba U batlang ka ho loka.

<sup>135</sup> Ka mokhoa o tšoanang, ke bolela libe tsa batho ba hesō, hoseng hona, bofokoli ba bona le pelaelo ea bona, ba sa eme ba phahamiselitse liphaka tsa bona sebakeng. Ke bolela libe tsa bona, Morena, le mafokoli oohle a bona. Romela Moea o Halalelang holim'a rōna, ka tiiso e chaeletsoeng ke Uena, e reng U Molimo. 'Me U mona ho re amohela, le ho re kenya liphakeng tsa Hao, le ho re buseletsa sohle se re lahlehetseng. Haeba e le monate 'meleng oa rōna, o khutlisoe halekholo. Haeba e le moea oa rōna, o khutlele ho rōna o thuntse, e le sesebelisoa se phatsimang, se tletseng Moea o Halalelang, se tla hlhisoa pel'a Molimo. Haeba e le ho se lumele, e khutlele ho rōna hape, Morena, ka tumelo e suthisang lithaba. Aba sena, Morena.

<sup>136</sup> Rea lumela hoba U ntse u tsamaea, Moea o Halalelang o tlallana ka har'a moaho oona, holim'a bathō bana, le ka lipelōng tsa bona, ho ba tsamaisa ho amohela Molimo o phelang. Sena se re etsa ka Lebitso la Jesu Kreste.

Tumelo ea ka e lelala ho Uena,  
Uena Konyana ea Kalvari,  
Moloki ea Mokhethoa;  
Nkutloe joale kea rapela,  
Tlosa libe tsohle tsa ka,  
Ke se ke ka lelera  
Ka sutha pel'a Hao.

<sup>137</sup> Ana u tiile? U a e amohela na? Phahamisa letsoho la hao, ho re, "Joale kea e amohela. Kea lumela."

Ke tsamaea botšong ba lifi,  
Le masetlapelō a ntika,  
Uena eba Lesupatsela la ka;  
Laela motšeare har'a bosiu,  
Phumula tšabo tsa masoabi,  
Ke se ke ka lelera  
Ka sutha pel'a Hao.

Ha re inamiseng lihloho tsa rōna.

<sup>138</sup> Ka morao ho Molaetsa o thata oona, o boima; o khohlahetseng, o tlisitsoeng ka mokhoa o makukuno, empa ke

'Nete. 'Me ha u lumela seo u se kopileng ka boikokobetso, hore u a se amohela, u se lumelle letho ho u qhelela thoko le tsela e patisaneng eo. Ema mono hantle. Ho sa natse nka rera ha kae, na ke etsa'ng, kapa se ka etsoang ke monna e mong, se ke ke sa sebetsa pele u se amohela e le lefa la hao.

<sup>139</sup> U e lumele ka pelō eohle ea hao, sohle seo u se lakalitseng. Haeba u ipoletse libe, Molimo o u tšoaretse. U se hhole u e belaela. Ha u le mongala, o buselitsoe, hoseng hona. Ha u hloka Moea o Halalelang, ako kolobeletsoe ka Lebitso la Jesu Kreste tšoarelong ea sebe sa hao. Ke Lentsoe la Molimo leo. A ke ke a Le fetolela kereke efe, bolumeli bofe, kapa mang o sele. Le tšoanetse joalo. Re hloka ho phethisa lihloko tsa Hae, e seng lihloko tsa kereke, lihloko tsa Hae. Re tšoanetse ho etsa hoo.

<sup>140</sup> O boletse, "Thapelo ea tumelo e tla pholosa mobabi." Ha u kula, ke u rapeletse thapelo ea tumelo. Le uena u e rapetse pelōng ea hao. 'Me u e lumele, ho e amohela, ho ema holim'a eona tsoe. E lokela ho etsahala ka tsela eo. Ha ho letho le tla e suthisa, ho sa tsotele na tšarelo e bonahala e le kakang.

<sup>141</sup> U re, "Be, ke bonahala ke sa ntse ke kula." Hoo ha ho... Ke mapheo a Mangeloi a inehanyang hammoho feela. Ke phetho. Ke Molimo ka seboleho sa lehlohonolo. Ho uena ekare ke tšarèlo. Ak'o e atamele 'me u boele u shebe, bona na ea emeng mono ha se Molimo na, a ntse a boloka Lentsoe la Hae.

<sup>142</sup> Joale e re re sa inamisitse lihloho tsa rōna, ke tlil'o fallisetsa tšebeletso ho Moena Neville, molisa oa rōna. 

*KHOLISEHA KA MOLIMO* SST59-0125  
(Be Certain Of God)

Molaetsa wona, ka Moena William Marrion Branham, o rerilwe sethatong ka Senyesemane Sontaha hoseng, Pherekong 25, 1959, mane Tabernakeleng ya Branham, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2014 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)